



Basa legala

Quest reglament se basa sin la [Ordinaziun davart ulteriuras structuras dil di supplementaras](#) che la Regenza grischuna ha relaschau ils 19 da mars 2013 resp. revediu ils 20 d'ost 2019. Sebasond sin quest'ordinaziun ein las scolas obligadas, priu ch'il basegns seigi avon maun, da porscher las differentas purschidas dallas structuras dil di supplementaras.

L'obligaziun da porscher las structuras dil di supplementaras vala:

- a) duront las jamnas da scola
- b) dil gliendisdis entochen il venderdis cun excepziun da firaus ed eventualas punts
- c) dallas 07:30 entochen las 18:00

Las structuras dil di supplementaras consistan dallas suandontas purschidas:

- a) survigilanza digl avonmiezdi
- b) survigilanza sur miezdi
- c) survigilanza dil suentermiezdi

art. 1 Basegns

Il Consorzi da scola Sumvitg-Trun (CSST) ei obligaus d'eruir il basegns per las differentas purschidas e quei sil pli tard dus meins avon l'entschatta digl onn da scola vegnent.

art. 2 Purschida

a) survigilanza digl avonmiezdi¹ resp. 2

La purschida dalla survigilanza digl avonmiezdi consista da duas parts:

1. Survigilanza dallas 07:30 entochen l'1. lecziun digl avonmiezdi¹.
2. Survigilanza da bloc naven dall'entschatta dall'1. lecziun entochen la finiziun dalla davosa lecziun² (vala sulettamein per la scoletta ed il scalem primar).

Questa survigilanza vegn purschida directamein dil CSST. La survigilanza ha liug enteifer las localitads da scola.

b) survigilanza sur miezdi¹

La survigilanza sur miezdi entscheiva culla finiziun dalla davosa lecziun digl avonmiezdi e finescha cull'1. lecziun dil suentermiezdi, e cumpeglia il gentar.

Questa survigilanza vegn purschida u d'ina ustria definada ed incaricada dil CSST ni d'ina canorta definada ed incaricada dil CSST.

c) survigilanza dil suentermiezdi¹

La purschida dalla survigilanza dil suentermiezdi consista da pliras parts:

- unitad 1: dallas 13:00 – 14:00
- unitad 2: dallas 14:00 – 15:00
- unitad 3: dallas 15:00 – 16:00
- unitad 4: dallas 16:00 – 17:00
- unitad 5: dallas 17:00 – 18:00

Questa survigilanza vegn purschida directamein dil CSST ni d'ina canorta definada ed incaricada dil CSST.

¹ Las differentas purschidas dallas structuras dil di supplementaras, cun excepziun dalla survigilanza da bloc, sto la scola porscher sche silmeins otg scolarAs s'annunzian per la medema survigilanza resp. per la medema unitad, il medem di ella medema casa da scola.

² La part "Survigilanza da bloc" dalla survigilanza digl avonmiezdi sto, priu ch'il basegns seigi avon maun, la scola porscher independentamein dil diember dallas annunzias.

art. 3 Annunzia

- L'annunzia vala mintgamai per in onn da scola.
- L'annunzia succeda entras il formular d'annunzia che vegn tarmess als geniturs entras il CSST.
- Cun la sottascripziun dil formular d'annunzia per las structuras dil di supplementaras ei l'annunzia ligionta ed ils geniturs van d'accord cun il reglament *Structuras dil di supplementaras*.
- Annunzias inoltradas suenter il termin indicau el formular d'annunzia vegnan buca risguardadas.
- Suenter la retschevida dall'annunzia vegn quella confermada ton pli spert ni ch'ei vegn communicau che la survegionza sa buca vegnir purschida muort munconza al diember prescret.

art. 4 Presenza ed assenza dils affons

- Ils affons ein dad esser punctuals sin l'entschatta dalla survegionza el liug definau.
- Tier absenzas che pertuccan la survegionza che vegn purschida directamein entras il CSST, ein ils geniturs obligai d'inoltrar la perstgisa directamein al CSST e quei aschi baul sco pusseivel.
- Tier absenzas che pertuccan la survegionza che vegn purschida entras in'ustria, ein ils geniturs obligai d'inoltrar la perstgisa directamein all'ustria e quei sil pli tard entochen las 10:00 dil di dall'absenza. Succeda negina perstgisa entochen las 10:00 vegnan ils cuosts cumpleins da questa survegionza adossai als geniturs, pia 12.- frs. enstagl da 6.- frs.
- Tier absenzas che pertuccan la survegionza che vegn purschida entras ina canorta, ein ils geniturs obligai d'inoltrar la perstgisa directamein alla canorta e quei aschi baul sco pusseivel.

art. 5 Collaboraziun resp. exclusiun dad in affon

- La collaboraziun denter ils affons e las personas responsablas ei indispensabla per il beinstar digl affon sco era dalla cuminonza.
- Sch'in affon maunca pliras gadas senza perstgisa ni sche las pretensiuns educativas survargan las pusseivladads dallas personas survegiontas, dat ei in discuors culs geniturs.
- Dat ei negina migliur dil cumpurtament sa il menader da scola excluder igl affon temporarmein u definitivamein dallas structuras dil di supplementaras.
- In'exclusiun temporara deliberescha buc ils geniturs dils cuosts per las structuras dil di supplementaras. Las tariffas ston vegnir pagadas duront il temps d'exclusiun.

art. 6 Tariffas

Survesta dallas tariffas che vegnan adossadas als geniturs:

purschida	prezi (frs.)
a) survigilanza digl avonmiezdi	
naven dallas 07:30 entochen l'entschatta dall'1. lecziun digl avonmiezdi	5.-/di
temps da bloc (naven dall'entschatta dall'1. lecziun entochen la finiziun dalla davosa lecziun digl avonmiezdi)	gratuit
b) survigilanza sur miezdi	
naven dalla davosa lecziun digl avonmiezdi entochen l'1. lecziun dil suentermiezdi inclus gentar alla meisa da miezdi	6.-/di
c) survigilanza dil suentermiezdi	
unidad 1: 13:00 – 14:00	5.-/di
unidad 2: 14:00 – 15:00	5.-/di
unidad 3: 15:00 – 16:00	5.-/di
unidad 4: 16:00 – 17:00	5.-/di
unidad 5: 17:00 – 18:00	5.-/di

art. 7 Quen e pagament

Ils cuosts per il diever dallas structuras dil di supplementaras vegnan tschentai a quen posteriuramein. Igl import vegn calculaus cun il diember dil qual igl ei vegniu fatg diever effectivamein.

Tier cass d'absenza senza perstgisa dat ei da principi negina reducziun dil quen. Tier la survigilanza sur miezdi vala sco indicau sut art. 4.

Il quen vegn tschentaus duas gadas ad onn, e quei mintgamai la fin d'in semester.

art. 8 Assicuranzas

Il CSST ei responsabels per il menaschi dallas structuras dil di supplementaras. Consequentamein ein ils affons annunziai per las structuras dil di supplementaras segirai entras la segirada da scola (art. 52 dalla Lescha da scola cantunala).

Il Cussegl da scola ha approbau quest reglament ella sesida dils 30 d'avrel 2022. Quest reglament remplazza il reglament signaus ils 19 d'uost 2013 ed entra en vigur cull'entschatta digl onn da scola 2022/23.


Per il Cussegl da scola

la presidenta



Erica Cavegn

il vicepresidente



Baseli Tomaschett